

UKWỌRỌ IKỌ KE ENYỌŃ OBOT, OYỌHỌ 2

Matthew 6:1-34

OYỌHỌ UKPEP-ŃKPỌ 20 – Eke Ikpọ Owo

IKỌ IBUOT: “Ekam ebem iso eyom Obio UbọŃ Esie ye edinen ido Esie; ndien eyedian kpukpru ńkpọ emi enọ mbufo” (Matthew 6:33).

I Ediyom Itoro Owo, IdiọŃ Mbubik

1. Edifri obukpoŃ mbemiso enọ enọ, Matthew 6:1-4; ńwed Mbon Colossae 3:22-24
2. ńwutidem ke edibọŃ akam ke ańwa, Matthew 6:5, 6; Luke 18:10-14
3. Edikpuhọre iso ye edinim iso mfuhọ-mfuhọ ke ini etrede udia, Matthew 6:16-18; Isaiah 58:3-7; Zechariah 7:5

II Akam OboŃ

4. Edinọ enyiń Abasi ukpono, Matthew 6:9; Psalm 29:2
5. Yak Obio UbọŃ Fo edi, udọŃ kpukpru se ebote, Matthew 6:10; ńwed Mbon Rome 8:22, 23
6. Edisuhọre idem nnọ uduak Abasi, Matthew 6:10; 26:42; ńwed Mbon Ephesus 6:6
7. Edibọk emi Abasi obokde nnyin ke usen ke usen, Matthew 6:11; ńwed Mbon Philippi 4:19
8. Edidahado nnọ nnyin edito nte nnyin ikemede ndidahado nnọ mmọ efen, Matthew 6:12, 14, 15; 18:21-35
9. Nnyin imoyom Abasi ke ini idomo, Matthew 6:13; 2 Peter 2:9

III Inyene Obio UbọŃ Heaven Okpon Akan Inyene IsoŃ

10. Enọ item ebańa ndinin inyene ke Heaven, Matthew 6:19-21; ńwed Mbon Colossae 3:2
11. Uwut-ńkpọ ke abana uńwana ke ńkań spirit ye ekim ke ńkań spirit, Matthew 6:22, 23; John 3:20, 21
12. Baba owo kiet ikemeke ndidi anam ńkpọ Abasi ye eke ererimbot, Matthew 6:24; 4:10
13. Edibem iso nyom Obio UbọŃ Abasi, ye nditop kpukpru okposọŃ ekikere nduok ndori OboŃ ke idem, Matthew 6:25-34; 1 Peter 5:7.

SE EKPEPDE EBAŃA

Jesus, ke nname Esie ye ńwan oro ke mben obube mmọŃ, ama odohọ ete, “Ini ke edi, eke mbufo edituakde ibuot enọ Ete, idighe ke obot emi inyuń idighe ke Jerusalem. . . Abasi edi spirit: ndien mme andituak ibuot nnọ Enye enyene ndituak ibuot ke spirit ye ke akpanikọ” (John 4:21-24).

Ke ukpep-ńkpọ emi, Enye eneńere asua ọnọ mbubik ye ńwut-idem, emi okowutde ido ukpono Abasi mme Pharisee. Abasi asua oruk edituak ibuot emi. Edi, ererimbot oyohọ ye oruk ido ukpono Abasi emi.

Editi mbon unana edi kiet ke utom eti-mbuk. James etiń ọnọ nnyin ete: “Ido Abasi eke asanade, minyuń ideheke ke iso Abasi Ete nnyin edi, ndisańa nse nditọ-akpa ye mme ebe-akpa ke ukut mmọ. . .” (James 1:27). Se ededi eke inamde inọ owo efen, oro ke nnyin ibọ utip nte ńkpọ eke inamde inọ OboŃ edieke inamde ke ata spirit ima (Matthew 25:35-40). Edieke inọde enọ man otodo mme owo ekut, ńkukure utip nnyin edi itoro mme owo.

Akam edi uruk uwem owo Abasi, ndien edieke esibede uruk oro efep, enye eyesọp ndikpa. Akam edi usuń emi idade ineme nname ye Abasi, ke ntre, “ekpeboń akam kpukpru ini, ekunyuń ekpa mba” (Luke 18:1). Nnyin inyene ndinam akpanikọ koro Abasi ọmọdiọŃ esit nnyin; edi ido akpanikọ ikpoń ikemke, ana nte inyene mbuotidem ńko. Nnyin idinamke akpanikọ edieke nnyin miyakke ofuri esit nnyin inọ OboŃ; andidiok eyeńwana ke ofuri ukeme esie nditimere esit nnyin ke ini ibońde akam. Man ikeme ndińwana eńwan emi, Jesus eteme nnyin ete yak nnyin iduk ke ubet nnyin inyuń iberi usuń man ikeme ndifre mbańa kpukpru ńkpọ uwem emi ke ini nnyin inemede nname ye Abasi. Mbon mbubik eyo oko ekesida ke mben usuń ye ke mme efak obio ebọŃ akam man mme owo ekut, edi imọfiok ite ke akam mmọ ikodokke isim Obio Abasi. Mme okpono ndem etiń uwak ikpikpu ikọ ke akam mmọ, tutu eduok se mmọ ebọńde akam ebańa ye spirit edinam akpanikọ.

Owo Pharisee, ke akam esie, okodohọ ete, “Ntre udia utim ikaba ke urua.” Ekenim utre udia ke editońo nte usuń emi owo ekemede nditim ńkpere Abasi, edi amakabare edi ido ọnọ mme Pharisee, emi ekenamde man ewut owo ete mme imọ idi mme eteńe Abasi. Utre udia inyeneke udori ke ini enamde enye ke utọ usuń emi, mme ke ini enamde ndituhọre ikpohidem, man ekut mbom Abasi.

Ediwak mbon Abasi ema esitre udia, ke ini enyenede ata akpan mfina, ndiwut nte ke ndikpere Abasi ke utọ ini ntre edi uñwam eke okponde akan kpukpru ñkpọ. Ndusuk mfina eke inyenede ke uwem oyom akam ye utre udia: “Oruk emi ikemeke ndiworo, ibohoke ke akam (ye utre udia)” (Mark 9:29); ndien Jesus ama odohọ ete ke mbet Esie editre udia ke Enye miduhe aba ye mmọ (Matthew 9:14, 15). Edi ke ñkpọ emi, ye ke mme ido ukpono Abasi eken, nnyin inyene ndikpeme mbak asua ukpọñ edinam nnyin iduok ata spirit utre udia emi Jesus ekekpepde, inyuñ isuhore inim nte ñkpọ eke inamde man owo okut, mme ndituhore ikpohidem, edinam emi ikerede ite eyenam ibọ ata uñwam emi otode Abasi. Abasi iyomke nnyin imia ikpohidem nnyin ufen oto ke edisin udia emi Enye onode nnyin ke usen ke usen. Nnyin inyeneke ndinam ñkpọ mbe adaña ke ñkpọ emi, mme ke ñkpọ efen inyuñ ikere ite ke Abasi okot nnyin esin ke anyan ini utre udia emi edinamde nnyin idoñọ, ndien oro idighe uduak Abasi inọ nnyin.

Akam Oboñ, okposuk omuhode, esine ñkpọ eti eti onyuñ edi eti uwut-ñkpọ emi eti andinim ke akpanikọ ekpedade esin ke akam esie ke ini ebeñede Abasi ñkpọ. Inyene ndisaña ñkpere Abasi ke akwa uteñe. Ekedohọ Joshua ye Moses esioño ikpa-ukot mmọ ke ukot efep ke ini mmọ esañade ekpere Abasi. Nnyin imofioke ite Ufok Abasi, (ebiet ukpono emi mme owo edude otọ kiet ndibon akam) ekpedi ebiet emi oyohode ye akwa uteñe, koro Jesus ama ebin mme okpuhọ-okuk ke ndidohọ ikọ emi, “Ufok Mi eyekere ete, ufok akam” (Matthew 21:13).

“Yak ubon fo edi” emi edi mmum ofuri mme idut. Usen kiet eyemen isuñi efep ndien nnyin iyekara ye Enye mi ke ererimbot. Eyet emi odude ke esit ofuri nditọ Abasi edi, “Yak inam uduak fo; nte enamde ke Heaven, yak inam ke ison kpasuk ntre.” Akakan udon Jesus ke ini Enye okodude mi ke ererimbot ekedi ndinam uduak Ete. Ke ini akwa ubiak ke inwañ, Enye ama oboñ akam ete, “Okudi nte Ami nnyimede, yak edi nte Afo onyimede” (Luke 22:42).

Kpa nte Israel ekenyenede nditañ obufa manna kpukpru usen ubok, kpasuk ntre ke nnyin ikpenyene ndibere ke Abasi ke usen ke usen. Abasi akpakam anam nnyin ikubiet ndisime owo inyene emi okodohode ukpọñ esie ete, “Ukpọñ mi, omobon ediwak ñkpọ nte edikemde ediwak isua; da nduok-odudu, dia, nyuñ ñwoñ, nyuñ dat esit” (Luke 12:19).

Peter ama obup Jesus ete, “Oboñ, ikafañ ke eyen-ete mi edidue mi, ndien ndahado nno enye? Me tutu osim utim ikatiaba?” Jesus oboro enye ete, “Ndohoke fi nte, tutu osim utim ikatiaba, edi tutu osim ikatiaba ke itie ata ye duop” (Matthew 18:21, 22). Ndinam ikọ emi otim añwaña, Enye emen okowut ke ñke emi abañade eyen ufok anana esit mbom (Matthew 18:23-35). Abasi adahado onọ nnyin adaña nte ikemede ndidahado nno eyen eka nnyin.

“Mbufo ikemeke ndisaña utom Abasi ye eke mammon (udori obukidem)” oro edi ata okposon ikọ, edi mme ikọ oro edi eke Christ. Jesus otim ada ini ekpep man owut nnyin nte ke ofuri uwem nnyin ikpenyeneke ndikohọ ke edisine ñkpọ mme udia. Edieke idade mme ñkpọ emi nte udiana ke utom eke inamde inọ Abasi, Enye eyeñwam nnyin ukem nte anamde ye mbiet inwañ ye mme inuen enyoh. Edieke Solomon ke ofuri inyene esie mikekemeke ndisine ñkpọ eke eyede nte ekpon-idim emi Abasi esinede enye edisine ñkpọ, nso idi ntak emi nnyin mikpenyimeke ndibuot idem ye Abasi emi onwoñode ete iyenọ kpukpru se inanade nnyin? (Se ke Nwed Mbon Philippi 4:19).

MME MBUME

1. Siak uwut-ñkpọ eyo mfin ke abaña edinọ enọ man mme owo ekut.
2. Idisaña didie ndien inọ enọ man mme owo ekukut?
3. Se mme afo emekeme ndikut se idude ke editiñ ikpikpu ikọ ke edibon akam nte mme okpono ndem.
4. Nso edi ntak emi ubet edide eti itie ubon akam akan mben usuñ?
5. Nso ke Abasi oyom ndikut ke nnyin mbemiso Enye efen ke ndudue nnyin?
6. Nọ ntak ifañ emi enamde inyene ke heaven ofon akan inyene ke ison.
7. Siak mme itie ita ke Nwed Abasi emi etiñde ñkpọ owut utre udia.
8. Ke nso utọ usuñ ke ekpon-idim ekesine ñkpọ akan Solomon?
9. Nso ñkpọ ikpon ikan udia ye edisine ñkpọ?
10. Ewe ufañ ke ibuot ñwed emi etiñ ñkpọ eke ebietde ikọ emi. “Oboñ omofioke ndinyaña mmọ emi eteñede Enye nsio ke idomo.”